

Jesu Adioukrou

1.1

Jan mij ok nuɲ ɛs e Nyam odad eke dad

Matie 3.112; Luk 3.118; Jan 1.1928

1 Aɲa anake Jesu *Krist [Nyam Jim] ec'Amani Mamn a ɔb nuɲ a,

1.1415

Jesu e jam ɛsɛl krekre ek'ɛɲ

Matie 4.1222; Luk 4.1415; 5.111

14 Lɛɲ ab ɛm eke wɛl ɛlu Jan mij ok nuɲ ɛs sobel ɛm a, Jesu im Galile wus af ɛtɲ n'am ɔb Nyam ec'Amani Mamn a eci kokoba li dad l'ɛsɛ:

15 «Lɛɲ a eke Nyam ɛwar a ow ɲ, aɲke Nyam ec'*es ɛw a ow titm. Itɲnin ɛrm ɛm ke ɛbr Amani Mamn a.»

1.2127

Jesu ewlm abɲ ɲuɲ ɛs a

Luk 4.3137

21 Jesu lel in e *jam ɛsɛl ab ab im Kapernayum ec'ɛb ab ɛm. *Nenɛɲ e lɛɲ a, Jesu ɛy *Nyam nuɲ ɲuɲ igɲ usu a ɛtɲ am yɛgm aɲ low.

22 Aɲ a ek'am iri in e low yɛgm a, low am iti any in ec'elɛl eke n'am yɛgm aɲ low a sosiɛm, aɲke n'anm ɛsɛ ɛl ec'ol e *low yɛgm ɛsɛl ab af, kɔ n'am yɛgm wɛl low abusu ɔny ɛm.

23 Ke Nyam nuɲ igɲ usu yogɲ ɛɲ nyam ek'*abɲ ɲuɲ aɲ ɛm a, am ɔg dad ɛsɛ:

24 «Oy! Nasaret e Jesu, bla am erur eke ki kok ɛy ee? Kɔ ek'ow eke ki ɲuɲ ɛy ee? ɛm, m'uw ɛɲ ek'el'ɲ ab any: Nyam ec'ɛrm ɛs lala.»

25 Jesu dad abɲ ɲuɲ a odad lebl tuɔtuɔ ɛm nine: «Yɛwal, ke ɛy ɔkm ɛɲ na ɛm!»

26 Abɲ ɲuɲ a mumu ɛɲ a lɛc ɛm, ɛtɲ am ɔg ɛy ɔkm in ɛm.

27 Aɲ a fɛɲ low iti any afɲn es toɲ batɲ n'am bibrmnin ɛl ɔfr l'ɛsɛ: «Kɔ na bla lowi ana ee? Bogɲ ec'abusu ɔny ɛm e low yɛgm owr ana ee? ɛɲ iɲ na ɛw *abɲ ɛɲuɲ yɛj'ɛs, ɛtɲ li b'ɛlum ow!»

1.3234

32 Ncebles ɛm a, eke ligbn im ɛru es a, aɲ ot ɛl ec'ɔlu a fɛɲ is Jesu; *abɲ ɛɲuɲ ɛsɛl yɛji aɲ ɛm.

33 ɛb ab ɛm ec'aɲ a fɛɲ as luku Simɔ eci lisany a.

34 Jesu ewlm ɔlu a lel ɛl ec'ol ɛɲ ɛɲ a fɛɲ ab. N'am ogɲ abɲ ɛɲuɲ a, ɛtɲ l'ɛlum wɛl abusu es eke wɛl ki dad odad, aɲke l'uw ɛɲ a ek'el Jesu ab any.

2.112

Jesu ewlm sos es wɛw ɛs nyam

Matie 9.18; Luk 5.1726

1 Eke sɛɲ bɛb ɛc a, Jesu ewl ow Kapernayum, ɛtɲ dedeku a iri eke l'ɛc akɲ.

2 ɛtɲ kpekɲ aɲ nɔnɔ ow as luku gbugɲ a eb usu a fɛɲ; usu kaka anm, lisany a bɔbɔ yɛji usu anm. N'am dad wɛl Nyam ec'odad,

3 ɛtɲ aɲ yar abu sos es wɛw ɛs nyam am is Jesu.

4 Gbɛkɔ eke li k'ɔtumɲ l'okmn yogɲ a eke Jesu sig es aɲ a sosiɛm a, li fig usu nyam ɛl luw af a, ɛtɲ l'oc ɔlu a ek'aɲ in eci faja ɛm a l'usm es Jesu ec'any af.

5 Eke Jesu b'ekn agn a ec'omn a, li dad sos es wew es a nine: «Em jim, m'oc n e sikpl a m'ap'η.»

6 Ol eci *low any uw esel beb sig es yogη, etη am tutr el ec'erm em dad ese:

7 «Kɔ bla etη egη na am dad odad nene ee? N'am ɔbr Nyam any! Bwo ec'egη ɔtu eke k'oc sikpl ap ek'ow elm Nyam sɔny coco ee?»

8 Eke Jesu uw el e sow tutr ab any a, li dad wel nine: «Kɔ bla etη am tutar ów amua na ɔny ec'erm em ee?

9 Kɔ bogη ec'anake ew fuɛfuɛ eke wel ki dad sos es wew es ab ee? «M'oc n e sikpl a m'ap'η», oglog ke wel dád'r ese: ɔgb oc η eci faja a ke án es ee?»

10 Gbɛkɔ m'erur eke k'uwr low na any: wus na af, egη ec'*Iy ɔny abusu eke k'oc sikpl ap.» Etη sica li dad sos es wew es a nine:

11 «M'am dad'η, ɔgb oc η eci faja a eb ejagb ím gbugη!»

12 Kpɛkη egη a ɔgb agη a fɛη ec'any af, l'oc in eci faja a, etη l'ey ɔkm n'am an es n'im. Ow e low a iti dedeku ab any, etη n'am kɔklm Nyam li dad l'ese: «Lɛgη kaka s'eknm low akpasu na.»

4.3541

Jesu adar lidgbegb

Matie 8.2327; Luk 8.2225

35 Lɛgη a cɛ eci ncebles a, Jesu dad in e *jam esel a nine: «S'úbar mij jam a.»

36 Etη eke l'elul bieku ab es a, jam esel a ok letη a eke Jesu anη em ab em, etη n'im. Metη ejeci yeji anη el saw.

37 El ec'ubr em a, kpɛkη lidgbegb okr el es etη mra am elul el, toη mij am bubm ok el letη em.

38 Jesu gbɛ ekpn ob, eru es letη neny a am eru memn. Jam esel a am uwr'r dad'r ese: «Low yegm agη es, kɔ ey e luw na eke s'am ow s'uw a, ow am kokm'η low kaka ee?»

39 Jesu ufηm es etη dad lidgbegb a lele mij ab ab nine: «Írmn es! Àdar!» Etη lidgbegb a ec'elu a ubr es etη usu a fɛη irm es tɪj.

40 Sica Jesu am dad in e jam esel a ese: «Kɔ bla etη erηn am ɔny ɔny ee? Kɔ ɔny k'ɔnymn ɔmn cɛ ee?»

41 Jam esel a erηn ligbel am ɔny etη am dad el ɔfr em ese: «Kɔ bwo el egη ikη na eke lidgbegb lele mij ab b'ɔny in ec'elum ab ee?»

5.2224

22 Egη nyam eke wel b'esη Jayirus, *Nyam nuη ɔgη usu a ec'es ew es anη ow etη eke l'ekn Jesu a, l'ok ɔwrɔkp wus ow ec'any af.

23 N'am at lebl es ni ηɔηη Jesu li dad l'ese: «Em jɔwli am uw. Òw ke át'r abu nuη, yec'etη ke li k'úwm kɔ ke n'ánη owr.»

24 Jesu ab n'im, etη agη nɔnɔ a ek'aam ewl'l a am itarir l'ul il.

5.3542

35 Jesu odad anη nenym am dad etη agη anη Jayirus ogη a ow. N'am dad ow l'ese: «Ejɔη uw! K'ijr low yegm agη es gbɛ ɔfr ɔfr.»

36 Jesu usm el e sodad ebl a jam kɔ li dad Jayirus nine: «K'úru erηn, kɔ ɔny ɔmn sɔny coco cɛ.»

37 N'ɔwm egη kaka abusu eke k'im ewl'l ek'ow elm Pier, Jak lele Jan ek'el Jak lisijim ab cɛ.

38 N'im l'ok Jayirus ec'akη a; yogη, sóg ɔnym nuη. Jesu ekn ek'agη am ikη ɔηη babarm.

39 L'ey akη a, etη n'am ibrm wel l'ese: «Kɔ bla sosiem etη am ikηη ɔηη ɔgr ee? Dedyɔwli a, l'uwm kɔ memn n'am eru.»

40 Etη dedeku a am kokr Jesu miyer. Ow sosiem l'ogη agη a fɛη ok ɔkm. Gbɛkɔ l'esη iy es a, iy lis a, lel

in eci jam esel agɔ nyahan ab ab, etɔ l'ok akɔ a eke dedɔwli a anɔ a.

41 N'ɔny ow abu, etɔ li dad ow nine: «*Talita, kum!*» (Ow e nyandɛ el: «Dedɔwli, m'am dad'ɔ, ɔgb!»)

42 Kpɛkɔ dedɔwli a ɔgb etɔ n'am an es. Ke dedɔwli a, n'ɔny akpo lew yony. Agɔ a fɛɔ ek'anɔ yogɔ a, low iti any.

7.1823

18 Etɔ n'am dad wɛl l'esɛ: «Kɔ ɔny yeɔi k'ɔtumɔ k'irimɔ low na eci nyandɛ ee? Uwmɔ any ek'ow elm ob ek'ɛɔ b'ij ok lokm a, k'ɔtum ɔɔm'n l'uwm anɔ,

19 kɔ ɔw tutr eke b'anɔ in ec'erm em ey ɔkm a anake b'ɔɔ'n ke l'uwm anɔ ab ee? Anke ob e li b'ij l'ok sos em a, lokm ow b'ok'r kɔ ow elm erm em, etɔ li b'iny l'ok es.» (Odad ebl na em a, Jesu am yeɔm ek'ob fɛɔ akpl iju.)

20 Etɔ emeny Jesu dad nine: «Ów tutr eke b'anɔ ɛɔ em ey ɔkm a b'ɔɔ etɔ l'uwm anɔ.

21 Tasi em a, ɛɔ ec'erm em anake sow tutr eɔɔ a fɛɔ b'anɔ, ke b'ɔɔ'n l'ij *nfaci, l'iy mil, l'ibi ɛɔ,

22 l'erum ɔw ejec'ab, l'erur lawl ec'ob; li kok low ɔɔ, l'ɛju ɛɔ, li wuwlm ɔw ab, n'ɔnyɔ ɛɔ nyamn ɛyr, li cak cak ɛɔ, n'ɔny tutre, ke l'ij nyamb a.

23 Ów amua fɛɔ eke b'anɔ ɛɔ ec'erm em ok ɔkm a, anake b'ɔɔ ke l'uwm anɔ a.»

9.28

2 Eke sɛɔ nɔhɔn ɛc a, Jesu ɛɔ Pier, Jak lele Jan ab etɔ li kpab es n'im saw em el ɔny lafɛny gege nyam af. Yogɔ, Jesu itɔn sos el ec'any af.

3 In eci mob sus em a e jeɔn a afɔn es; wus af aɔa, ɛɔ kaka anm eke k'ɔɔ in eci mob sus em a jeɔn ɛben.

4 Etɔ kpɛkɔ *Eli lele *Mois ab okm sos ɔkm etɔ am dad ɔw Jesu ab.

5 Eke Pier b'ekn ɛben a, li dad Jesu nine: «Low yeɔm agɔ es, ow akpl eke si k'anɔ aɔa! S'ús nuɔ ɔɔ usu nyahan: ɔ e nyam, Mois e nyam lel Eli e nyam ab.»

6 Tasi em a, Pier ɛknm odad eke ki dad anke el nyahan mum erɔn am ɔny el.

7 Kpɛkɔ jru ey etɔ ubur el es. Etɔ lebl nyam anɔ jru ab em am ikɔ dad esɛ: «ɛɔ na el em ec'*Iy eke m'erur tasi; ɔrir in e low.»

8 Kpɛkɔ *jam esel a am ɔl saw saw, gbekɔ l'eknm ɛɔ kaka ek'ow elm Jesu ɔny cɛ ek'anɔ el ab a.

12.2831

Ol ab em eci ligbel tasi a

Matie 22.3440; Luk 10.2528

28 Ol e *low yeɔm es nyam ɔl el ec'ow es atar a, etɔ l'ekn eke Jesu ec'odad a e dad *Sadusiɛl a el low tasi. L'eri l'ow li titm ow etɔ n'am ɔbrm ow l'esɛ: «Ol a fɛɔ em e ligbel el bogɔ ec'ee?»

29 Jesu dad'r nine: «Kin ol a fɛɔ em e ligbel: *O Israel, ɔɔ l'ru es! Es Kɔtɔkɔ ey e Nyam el Nyam nyam coco.*

30 *B'ow erur Asɔ Kɔtɔkɔ ɔ e Nyam ɔ ec'erm fɛɔ em, ɔ ec'abɔ fɛɔ em, ɔ e tutr fɛɔ em lele ɔ e lec pupukpɔ ab.*

31 Etɔ kin ol a e yony em ek'ot krekre ec'ab es: *B'ow erur ɛɔ kaka fɛɔ esɛ ɔ obi af.* Ol a fɛɔ em, kaka anm agbm akam ol yony na.»

14.1011

Judas am bebɔ eke b'ow ɔl Jesu ij

Matie 26.1416; Luk 22.36

10 Sica, *jam esel lew yony ab em ec'ɛɔ nyam eke wɛl b'ɛɔ Judas Iskariot, im ɛɔn *egb waw esel ɛgbɛl a, etɔ dad el eke k'ɔny Jesu ɔɔ el.

11 Eke l'irir odad na a, sos em ɔɔn el toɔ l'ɛɔ l'eb eke li k'ɔɔ ow os. Ow ɔɔ Judas am ɔl akunda senyn yec'em eke li k'ɔny Jesu n'ɔɔ wɛl.

14.4446

44 Judas eke b'ow ɔl Jesu ij a, ikɛ anym yegm dedeku a akunda yec'em eke li k'onyn ow a. Li dad nine: «Egɛ a eke m'ow mi joj neny a, in ana; ɔnyn in, ɔcr imn in, ke ɔsur ir senyn senyn gɔɛ.»

45 Kpekɛ eke Judas im titm Jesu a, li dad nine: «Low yegm agɛ es!» Etɛ li joj ow neny.

46 Kpekɛ agɛ a ok'r af ɔny'n.

15.615

Wel ɔb Jesu low luw eci

Matie 27.1526; Luk 23.1325; Jan 18.3919.16

6 Eke sakp sakp fɛɛ *Pak ec'es gbɛgbl e lɛɛɛ b'ow a, *Pilāt b'elu sobel em es nyam eke dedeku a b'ibrm ab es.

7 Kɔ egɛ nyam eke wel b'ɛɛɛ Barabas lele lawlel ab ab ek'ɛgɛm Rom ec'es ew e low ebm a, anɛ sobel em. L'el agɛ ek'el ec'erm bebl em ibi egɛ.

8 Dedeku a uyu im ɛɛɛ Pilāt, etɛ am ibrm'n es: «Kɔk low a eke lakpo lakpo fɛɛ bi kok a ɔɛ ey.»

9 Pilāt ewl am ibrm el es: «Kɔ am erurir eke mi k'elu Jwifel ec'eb ebu ab es m'ɔɛ ɔny ee?»

10 Tasi em a, l'uw any eke nyamn ɛyr em *egb waw esel egbel a oc Jesu is'r.

11 Egb waw esel egbel a am ok dedeku a al em dad ek'ow k'elu Barabas es ɔɛ el.

12 Pilāt emeny am ibrm dedeku a es: «Sica bla lowi mi ki kok egɛ a eke b'ɛɛɛ Jwifel ec'eb ebu ab ee?»

13 N'am ɔg li dad ow l'es: «`Ew'r olikɛ af!»

14 Pilāt ibrm el nine: «Kɔ bla low ɔbr iy li kok ee?» Kɔ n'am ɔg lebl tuɔtuɔ em l'es: «`Ew'r olikɛ af!»

15 Pilāt erur eke ki kok dedeku a sos em iɛɛ; na sɔsiem l'elu Barabas es n'ɔɛ wel, etɛ n'ɔɛ wel ɔr Jesu say em gbuj etɛ l'elu abusu es eke wel k'oc im ew ow olikɛ af.

15.3339

Jesu e luw a

Matie 27.4556; Luk 23.4449; Jan 19.2830

33 Sica lɛɛɛ uyu nuɛ em a, ncebn ey wus a nimum af toɛ ok ncebles e wanci nyahan em.

34 Ncebles e wanci nyahan em a, Jesu barm lebl tuɔtuɔ em nine: «*Eloi, Eloi, lama sabaktani?*» (ek'el nyandre em: «Em e Nyam, em e Nyam, kɔ bla etɛ digɛ elu'm es ee?»)

35 Agɛ nyam nyam ek'anɛ yogɛ a iri odad na etɛ dad nine: «Irir, n'am esɛ Eli!»

36 Etɛ el em ec'egɛ nyam uru es im oc mbra usm el eci mar ab em, oc ujr likɛni nyam em etɛ oc am ɔkɛ Jesu ek'egɛ. Etɛ li dad nine: «S'ɛwr nyamn es s'ekan ek'Eli b'ow ɔny usm'n es olikɛ na af!»

37 Etɛ eke Jesu barm lebl ligbel nyam a, l'ok sel es.

38 Wanci ab af cɛ *Nyamel ab em eci gbad gbɛ gbada a eke wel ew ɛɛɛɛ *usu lala ab any a, iɛɛ afr em a etɛ agbr em araɛɛ didi toɛ ok esr em a.

39 Rom e srɔda eyɛ a eci anym es a ek'ɔbr Jesu any a, ekn luw a ec'elel eke ecr etɛ li dad nine: «Nje tasi egɛ na Nyam ec'Iy!»

15.4246

Jesu ec'es oc owi

Matie 27.5761; Luk 23.5056; Jan 19.3842

4243 Sica eke lɛɛɛ ew es a, Josef, Arimate baɛɛ iy a, am ow. L'el Jwifel e *Sanedrɛn ab em ec'any es nyam ek'in yeɛi am eku ɔmn em, Nyam e *gbreɛgbi usu a e mowrer e low. Ow el *nenegɛ e sos bebm e lɛɛɛ, ek'el lɛɛɛ e wel b'ɛɛɛ gbuj ke nenegɛ b'ey wus a. Na sɔsiem l'oc lokm susu em, n'im n'ɛɛɛ *Pilāt etɛ l'ibrm ek'ow k'oc Jesu e sos meɛl a ɔɛɛ.

44 Pilāt low iti any eke Jesu k'uw fafa. Na sɔsiem l'esɛ Rom e srɔda eyɛ eci nyimn es ligbel a ow etɛ l'ibrm ow eke Jesu uw ow ibn.

45 Sica eke Pilat iri egɛɛ ligbɛl a nɛnym a, n'ɔɛɛ Josef abusu eke k'im oc Jesu e sos meɛɛl a.

46 Josef im ɔɛ gbad ufu nimamn nyam, l'ow n'ɔɛɛ Jesu e sos meɛɛl a l'usm es olikɛɛ ab af, l'oc gbad ufu a li wiwrm ow ab etɛɛ l'oc n'im l'oc ow es *uwɔmu lob nyam eke wɛɛl n'ɔɛɛ ur ab em. Etɛɛ li wuwɛɛ lebn ligbɛl nyam l'ow l'abl ow ec'em ey usu ab es.

16.17

Jesu eci luw em anɛɛ igb a

Matie 28.18; Luk 24.112; Jan 20.110

1 Eke *nɛnɛɛɛɛ e lɛɛɛɛ a ec'a, Mari, Magdala baɛɛɛ yɔwi a, Salome lele Mari, Jak lis ab, ɔɛ mun sɛɛɛɛɛ eke k'im ok Jesu e sos meɛɛl ab af.

2 Dimas eci ibribr fafa eke ligbn am ey ɔkm a, l'igb n'aam *uwɔmu ab af.

3 N'am dadarir el ɔfr em l'ese: «Kɔ bwo ec'egɛɛ b'ow wuwɛɛ lebn na ek'anɛɛ uwɔmu a ec'em ey usu a oc es ɔɛ ey ee?»

4 Gbɛkɔ eke li b'igbl any ogɛɛ li lɛr a, l'ekn eke lob a oc es anɛɛ saw em.

5 N'im l'ok uwɔmu ab em, etɛɛ l'ekn ngbafɛ nyam eke sig es lidɛr ogog a, sus mob ufu kpaakp, etɛɛ ɔyɔw a erɛɛɛ ligbɛl am ɔny.

6 Gbɛkɔ ngbafɛ a dad el nine: «Erɛɛɛ k'ɔny ɔny; am ɔɛɛ Nasaret e Jesu a eke wɛɛɛ ew olikɛɛ af a; l'igb agɛɛ ek'uw ab em, n'anm aɛa. Lɛɛr yogɛɛ a eke wɛɛɛ ew'r a.

7 Sica imn ke dádɛr *jam esɛɛ likpr a lele Pier ab eke in am ikɛɛ ɔny anym in im in eku ɔny Galile; yogɛɛ anake ɔny b'ow ɔny ekan in esɛ elɛɛ eke in dad ɔny ab af a.»

16.1516

15 Etɛɛ li dad wɛɛɛ nine: «Imn wus na nimum af ke ɔbr Amani Mamn a e kokoba okɛ agɛɛ fɛɛɛ.

16 Egɛɛ yec'eke b'ow ɔny ɔmn ke wɛɛɛ b'ow ok mij nuɛɛ a, li b'ow n'ɛɛɛ sel; gbɛkɔ egɛɛ yec'eke k'ow ɔnym ɔmn a, Nyam b'ow ɔb'r low luw eci.

16.1920

19 Sica eke Es Kɔtɔkɔ Jesu dad el odad bake ow uwr a, n'im afr etɛɛ li sig es Nyam e lidɛr abu af.

20 Jam esɛɛ a im etɛɛ am ɔb Amani Mamn a e kokoba susu a fɛɛɛ. Es Kɔtɔkɔ am elum el abu el e juma kok ab em, etɛɛ meny ewr fɛɛɛ eke n'am elu ɔkm a, am yegm ek'el ec'odad a el nawɛɛ tasi.